



ХАБАР



Хакас Республиканың газетазы

Известия

www.khakaschiry.ru

● 17 январь – күрген, вторник 2017 чыл, 4 (21119) № ●

16+



А.ДУБРОВИН, О.ШИРКОВЕЦ,
Н.СУБРАКОВА паза А.СУЛТРЕКОВ

ХАДА ТОҒЫНЧАТХАН АРҒЫСТАРЫБЫС ҮЧҮН ӨРІНЧЕБИС

РОССИЯНЫҢ ПЕЧАТЬ КҮНИНДЕ, 13 ЯНВАРЬДА, РОССИЯНЫҢ ХАБАРЧЫЛАР ПІРІПЗІНИҢ ХАКАС РЕСПУБЛИКАДАҒЫ ПӨЛИИНИҢ КНЕЗИ ОЛҒА ШИРКОВЕЦ 2016 ЧЫЛНЫҢ ИҢ АРТЫХ ГАЗЕТА ТОҒЫНЧЫЛАРЫН ЧЕЕСТЕЕН. АЛҒЫСТАС ПІЧИИНЕ «ХАБАР» ГАЗЕТАНЫҢ ҰР ТОҒЫН САЛҒАН ИҢ ТУРЫСТЫҒ ИКІ ТОҒЫНЧЫЗЫ ТУРЫСХАН: ХАКАСИЯ КУЛЬТУРАЗЫ-

НЫҢ САБЛЫҒ ТОҒЫНЧЫЗЫ, ПИСАТЕЛЬ, ХАБАРЧЫ АНАТОЛИЙ СУЛТРЕКОВ ПАЗА КОМПЬЮТЕР ПӨЛИИНИҢ ТОҒЫНЧЫЗЫ НАДЕЖДА СУБРАКОВА. «ХАКАСИЯ» ГАЗЕТА РЕДАКЦИЯЗЫНАҢ АЛҒЫСТАС ПІЧИИНЕ ӨӨН РЕДАКТОРНЫҢ ОРЫНЧЫЗЫ АЛЕКСАНДР ДУБРОВИН ТУРЫСХАН. ОЛ ГАЗЕТАДА СПОРТ ТЕМАЗЫН АЛҒЫМ ЧАРЫТЧА.

⇒ 3 стр.

Экология чылы

4 стр.

ЧИРІБІСТІ АРЫҒ ТУДАРҒА

Пүөл Россияда Экология чылы чарлалган. Республикада агаа чарыдылган аймак акциялар, марыглар паза чөрімнер иртерлер.



Илбек Чиңіс

7 стр.

АТЫҒЧЫ ТАТЬЯНА БАРЖЕНАКОВА

Чииттерге пос көңнінең чаага парарднар хыйгы салылганда, педучилищенің студенті Татьяна Барженакова сах андох сурыныс пічин пазыбысхан.



ААЛДАҒЫЛАРҒА – АХЧАЛЫҒ ПОЛЫЗЫҒ

Хакасияда 2017 чылның пастағы **Х**арым чылына мал тударына пирілчеткен төлеге сурыныс пічктерін алып пастабыстылар.

2013 чылда «Хакасияның кічиг паза ыраххы аалларын хайраллиры паза тилдері» республика програмазы тоғынча. 2016 чылда Хакасияның ыраххы паза кічиг 86 аалының 1022 чуртаҕчызы мал өскіреңіне пирілчеткен төлеге сурыныс пічин пас салган. Агаа 54 млн салковай көрл парган. Пүүңг күнге 24 млн салковай төлөл парган.

Чуртаҕчыларға пирілчеткен төлеңгін сини мындаг: мал тударына – айда 550 сал. пір пас үчүн, чылгы үчүн – 150 сал., ине хой тударына – 50 сал.

Хакасия пазының администрациязы

АВТОВОКЗАЛ НААЧЫЛАЛЧА

Ағбанның автовокзалы **А**пүөл пайрамныҒ 50 чылын таныхтир. Аннаңар аның устаг-пастаа пу чағында автовокзалның туразын, ибіркізін наачылырынча паза чахсыландырамынча тоғыстарны тоозарға пөгінче.

Тыхтаҕ тоғыстары 2011 чылда пасталганнар. Пу тусха автовокзалның потологы, стенелері тыхтал парганнар, полда керамогранит төзелген, ізіинің хыринда пандус турғызылган. Тураның тасты наачылалган, аны ибіре наа асфальт төзелген. Ідөк санитарнай пөліктері тыхталган, мында наа оборудование турғызылган. Автовокзалда «іңең паза паланың комнатазы» тоғынча, азыранчаң орын пар.

Елена ТИМОФЕЕВА

Газетас пазыныс-2017

Аарлыг хыгырыгчылар, чалгыс хакас газетазына пазынарга ундубаңар! 2017 чылның I чарым чылына республиканың «Хабар» газетазына пазыныс парча.

	РЕДАКЦИЯДА	АҒБАН ИСТІНДЕ	ПОЧТАДА
5 айға	140 сал.	185 сал.	422 сал. 75 ахча
3 айға	84 сал.	111 сал.	253 сал. 65 ахча
1 айға	28 сал.	37 сал.	84 сал. 55 ахча

Илбек Ада чаа ветераннарына 5 айға почтача пазыныс 326 сал. 50 ахча турча.

КҮН ТАҢМАЗЫ

ВИКТОР ЗИМИН НАДЕЖДА МАКСИМОВАНЫ ТӨРЕЕН КҮНІНЕҢ АЛҒЫСТААН

Хакасияның пазы Виктор Зимин Россияның Хазна Думазының депутаты Надежда Максимованы пайрамның төреен күнінең алғыстаан.

«Аарлыг Надежда Сергеевна! Сіерні пайрамның төреен күнінең чылыг алғыстапчам. Сіернің тоғызыңар улуғ аарласнаң тузаланча. Сіернің профессионализміңер, чуртаста өткін көрізіңер, турғысхан пөгіннерні толдырарға күстенізіңер, коллегалар аразындағы улуғ аарлас Сіерге республика-

да социальной проекттерні чуртасха кирерге хабасчалар...

Федеральной синде пістің проекттерні арачылырға полысчатхан үчүн алғыстапчам Сіерні! Ізенчем, пістің хада-пірге тоғызыбыс мыннаң мындар узарадылар! Хада ізестіг команда паза партнёрлар ползынар!...» – чоохталча телеграммада.

ІСТЕЗІГ УПРАВЛЕНИЕЗІНДЕ НАА УСТАҒҒЫ

11 январьда Россияның Істезіг комитетінің кнезі Александр Бастрыкиннің приказынаң юстицияның генерал-майоры Вячеслав Росщупкин Хакасияча істезіг управление устағғызына турғызылған.

Вячеслав Ильич Росщупкин Новосибирсктегі аал хонии институтын, Алтай хазна университетінің юридической факультетінің тоосхан. 1991 чылдаң прокуратура органында тоғынған. 2007 чылдаң амға теере Алтай крайында істезіг управление устағғызының пастағы

орынчызы полған.

Вячеслав Ильич «Россия прокуратуразының аарластыг тоғынчызы» знакнаң, «Істезіг канцеляриязына – 300 чыл», «Чалтырама служба үчүн» I, II, III степенің медальларнаң сыйыхтатхан.

КЕМ ИҢ АРТЫХ СТУДЕНТ?

Н.Ф.Катановтың адынаң Хакас хазна университетінде «Чыл студенті-2017» марыг иртче. Анда университеттің үгредіг, информатика паза право колледжінің чииттері араласчалар.

Марығның халғанчы чардығына пис студент сығып алған. Андар сығып алар үчүн, оол-хыстар чахсы үгречеткеннерін паза чайаачы полчатханнарын киречілееннер. Ам-

ды тоғыс улам хатыг парча.

Иң көп үн алып алған студент «Чыл студенті» атха турызар. Анзы, тізең, 25 январьда, Студенттер күнінде, пілдістіг полар.

ИМЧҢ ПОЛАРҒА САҒЫНЧАТХАН ҮГРЕНЧІЛЕРГЕ СПЕЦКУРСТАР

Ағбанның 25 № школазының улуғ класстар үгренчїлерї өнетін профильліг класстарда имчї профессиязынаң танысчалар. Мындаг класстар ХГУ-ның имнег институтында азылғаннар.

Имчї поларға сағынчатхан 10-11 класстар үгренчїлерінең вузтың преподавательлері паза Ағбанның имнег учреждениелерінің специалисттері тоғынчалар. Занятиелер неделяда ікі хати иртчелер.

Үгредіг өнетін тимнелген планча апарылча, программа ікі чылға көріл парған. Спецкурстың өөн пөгіні – имнег вузтарыңар кирерге сағынчатхан үгренчїлерні сыныхтағларға тимнири.

НАА ТЕХНОЛОГИЯЛАР ТОҒЫС ТАБАРҒА ПОЛЫСЧАЛАР

Хакасияның чонға тоғыс тапчаң комитетінің сананыстарыңа, 2016 чылда оларзар айланған тоғыс чох кізілернің 64 % тоғыс тапхан.

Ирткен чылда республиканың 14,5 муң чуртағчызы тоғыс кирексеен, оларның 9 муңы тоғысха алылған.

Мындаг салтарға килер үчүн, чонға тоғыс тапчаң службаның специалисттері амғы тустағы технологияларнаң тузаланғаннар. Республика паза муниципалитеттер си-

нінде вакансиялар ярмаркаларын иртіргеннер, тоғыс пирчеткеннернең видеоалгалыс пастыра чоохтасханнар, тоғыс кирексіпчеткеннернің резюме пічкітерін «Россияда тоғыс» искіріг порталыңар пир турғаннар паза пасха даа тоғыс апарғаннар.

ХООСЧЫНАҢ ТОҒАЗЫҒ

Пүүн 10.00 часта Ағбандағы «Чылтыс» көзідіг залында Россияның саблыг хоосчызы Григорий Красновнаң тоғазыг иртер. Ол аның тоғыстарының көзідіине чарыдылча. Чайаачы ус аны «Пурунғыларыбыс чирі» адап салтыр.

Григорий Степанович Краснов 1941 чылда 3 декабрьда Уралда төреен. Омсктағы үгретчїлер институтының хоос-графика факультетінің тоосханда, Сибирьдегі аймах-пасха городтарда тоғынған. 1990 чылда Хакасияда тохтабысхан. Чайаачы ус мындағы күргенніг

казыларға аптат салған. Ол ирткен тустаңар хоосапчатханнар санына кірген. Искусствода андаг жанр «неомифологизм» алай архео-арт тіп адалча. Аннаңар көзідіге сығарылған тоғыстары аразында илеезде хоозы пу жанрда толдырылғанын сизінерге чарир.

Тимнееннер Хакасияча істезіг управлениезінің пресс-службазы, ХГУ-ның хабарлар пөлии, Хакасияның чонға тоғыс тапчаң комитеті, Хакасияның культура министерствозы

АРМИЯДАҢ АЙЛАНҒАННАРҒА – КӨДІРЕ ПОСОБИЕ



РОССИЯДА

МОСКВА. Армияда служба ирткен иреннерге тоғыс чохтарға пирілеткен иң пөзік пособие төлелер. Че оларға служба парар алнында 26 неделядаң асхынах нимес тоғын салған поларға паза иң пөзік пособие аларға читкіче чал ахказын алған поларға кирек. Армиядаң айланып, тоғыс тапчаң службада санға турарға кирек.

Амды тоғыс чохтарға төлелеткен пособие 850 – 4900 салковайға тиңнелче. Закон хоостыра, 26 неделядаң көп тоғын салған кізі, тоғызынаң парыбызып, пір чыл ирткенче тоғыс тапчаң службада санға турыбысса, агаа чал ахказының 75 процентіне тиңнелеткен пособие төлелер, че 4900 салковайға ла теере. Пастағызын на тоғыс тілелеткен алай пір чыл азыра тоғынмаан кізі 850 салковай ла алар. Армияда кізі пір чыл служба иртче, хазнаа кирек пөгіннер толдырча, аннаңар агаа иң пөзік пособие төлелбеткені саба полған, че амды аны түзет салдылар.

Российская газета

ҮГРЕДІГ КИРЕЕНДЕ УЛУҒ ПӨГІННЕР

КРЫМ. «Севастопольның үгредіг тилізі 2017 – 2020 чылларға» хазна программазы хоостыра регионның правительствозы 2020 чылға теере Крымда 6 школа паза 7 олған садын пүдір саларға пөгін тутча.

Севастопольның үгредіг департаментінің директоры Михаил Родиновтың чооғынаң, пүүл Казачья бухтада школа тоғынып пастыра кирек, 2018 чылда – Античная проспекте, 2020 чылда – Радиогорка аймахта, Казачья бухтада паза даа пасхазында.

2020 чылға теере Севастопольда олған садтарының саны ідөк хоозыларға кирек. Олған садтары пүдіріл парзалар, андар 2 муңа чағын олған чөр полар.

Крым РИА

ХАЙХАСТАР БИБЛИОТЕКАЗЫ ПОЛАР

ИРКУТСК ОБЛАЗЫ. Байкальсктағы Соболиная тагда пустан чайалған хайхастар библиотеказы тимнелче. Анда полған на кізі поэзияның толдырарға пөгінчеткен хайхастыг сағыстарын пас салар ондайлыг тіп искірге Сибирьдегі регионнар аразындағы туризм пірігізі.

«Мында пустан тимнелген 420 книга полар, полғанының на аары 480 кг, поэзия 3 метр. Олар тоғылах ондайлы турғызыларлар. Хурчағының узуну 30 метр», – чоохтапча проекттің өөн архитекторы Павел Санников.

Полған на пус кыганың страницазында хайхастар библиотеказын тимнеен устар кізілернің сағыстарын пас саларлар. Мында Россия, Франция паза Хыдат чуртағчыларының сағыстары пазылар.

Хайхастар библиотеказы 4 февральда азылар.

Сибнет. ru

СИНІНЕҢ ІКІ ХАТИ КӨП ЧААП ПАРҒАН

ТОМСК ОБЛАЗЫ. Томсктың мәрі Иван Кляйн, хар тирең чаап парған соонаң, чуртағчылардаң аны арыгырға полыс пирерге сурынған. Хар синінең ікі хати көп чаап парған. Орамаларны паза чолларны арыглачаң службалар городты хардаң арыгырға маңнанминчалар.

Пүүл Томскта хар пір метрче чаап парған. Мындаг улуғ харны пу городта 18 чыл көрбеең полғаннар. Иван Кляйнның чооғынаң, чол тоғынчыларының күстенізінең транспорт чөрізі тохтадылбаан, өөн магистральлар сыбыра арыглалчалар. Че туралар аразындағы ачыхтарны паза чолларны хардаң арыгырғында сидіксініс сыххан. «Подрядчиктер паза управляющей компаниялар тоғыстарын чахсы толдырбинчатхан үчүн надырыға тартыларлар», – теен город мәрі.

Томсктың устаг-пастаа сағыбаан саай режимінеңер чонға искірбиндір. Ол хысха тусха кирілтпир. Синоптиктер, тізең, хар ам даа удаа чаар тіп искірчелер.

Тайга. инфо



ТИЛЕКЕЙДЕ

ХАЗНАЛАРЫНАҢ ТИСЧЕТКЕННЕР САНЫ ХЫЗЫРЫЛЧА

ГЕРМАНИЯ. Пылтыр ФРГ-зар хазналарынаң тискеннернің саны 280 муң кизе тиңнелген. Анзы 2015 чылдағынаң үс хати асхынах (890 муң кізі полған). Аннаңар МВД министрі Томас де Мезьер искірге. Аның чооғынаң, федеральной правительствозы паза ЕС-тың үлгүлері кирек чарадылар алған сылтаанда, пу сан піди хызырылған. Турциянаң чөптөзіг іділгенде паза «балкандағы чол» чабылганда, хазналарынаң тисчеткеннернің саны хызырылча. Оёнінде кізілер Сириядаң килчелер. Турцияның паза ЕС-тың аразында іділген чөптөзіг хоостыра, мигранттарны Европазар поэйт-пасха Анкараға 3 миллиард евро пирілче.

Лента.гу

НАЛОГТЫҢ ЧАРДЫҒЫ АЙЛАНДЫРЫЛАР

МЕКСИКА. Мексиканың финанстар министерствозы артык көдірімніг, түрирге сағынчатхан кізілерге төлеен налогтың чардығы айландырылар тіп чарлаан. Че аны аларға сағынчатхан кізі диетологсар төреміл чөберге кирек.

Мындаг ондайнаң хазна үлгүлері кізілер иртіре чооннатчатынаң харбазарға сағынчалар. Сананыстар хоостыра, Мексиканың 72,5 % чуртағчызының артык көдірімнең палгалыстыг сидіксіністер пар. 2010 чылда мында кізілер иртіре чооннатчатынаң тоғыр күрезер программа алылған. Аны хоостыра тузазы чох ас-тамахты школаларда садарға чаратпыныбысханнар, мындаг чиисті сатчатханнарны хоза налог төлеттірчелер.

Налогты айландыраарға сағынчатханнарға чыл сай налогтар службазына пирчеткен декларациянаң хада диетологтың полызии үчүн ахча төлеенін киречілеткен пічкітерні пирерге кирек.

Новости РИА

Үгредіг

Пүүл устагчылар кадрларын тимнир президенттің программазынча регионның он устагчызы үгредіг иртер – анча орын пирилген. Прай 15 сурыныс пирилген, пис кізі резервке кирилген, олар пазагы чылда үгренирлер.

инновациялар сферазындагы менеджментче Россияның ойн үгредіг учреждениелерінде тимненіс иртелер. Анаң президент программазының выпускниктері, хожа талпаг иртіп, Россиядагы алай хырыг озариндагы чахсы тоғынчатхан предпринятиелерде стажировка иртерлер.

Хакасия 1998 чылдаң сығара пөзік паза ортын синдегі устагчыларны тимнепче. Ол тусха 400-че специалист тимнелген,

ПРЕЗИДЕНТТІҢ ПРОГРАММАЗЫ ТОЛДЫРЫЛЧА

Пу программа хоостыра менеджмент, маркетинг паза финанстар сферазынча, ідөк идінчектер киреен тилдеринче,

40 кізі хырыг озаринда стажировка иртен.

Хакасияның экономика министрствозы

Чир сурии

ЧУРТ ПҮДІРЕР ОҢДАЙ СИГІС МУҢЦА ЧУРТАҒЦАА ПИРИЛГЕН

Хакасияның ис-пай паза чир хайызыглары министрствозы льготалыг категория кирчеткен кізілерге, ол санда көп палалыг сөбірелерге паза чиит специалисттерге, чир участоктарын тикке пирер тогысты узаратча. Амгы тусха тикке чир сигіс муңца кізев пирилген, оларның 3,5 муңы – 35 часха читкелек чиит улус.

участогы тимнелген паза 3000 артинаң – Ағбан пилтірі аймаанда. Анзы чирге теесті адалған аймахтарда чабызарга паза ідөк Ағбанның үлгүлеріне 1800 участок пирибізере оңдай пирген. Ол чир участоктары Хубачар паза Солнечнай аалларда орныхчалар, – искірген регион устагчызына Хакасияның ис-пай паза чир хайызыглары министрі Елена Соломонова халғанчы чылыгыда.

Министрнің танинаң, ол иділген тогыстың улуг салтары. Ағбанда пос чир чоғыл даа нооза, льготниктер саны, тізең, республикада иң пөзік.

Пүүлгі чылга «Хакас Республиканың хазна ис-пайынаң устыры» хазна программазы хоостыра алты миллион салковай көріл парған. Ол ахча субсидия



ған. Пүүн республикада кі закон тоғынча: 88-ЗРХ, хайзынча чир көп палалыг сөбірелерге пирилче, паза 25-ЗРХ, хайзынча чир участогын тикке льготниктернің алты категориязы алып алар праволыг, ол санда чиит специалисттер.

оңдайынаң муниципальной пүдістерге кирек пічіктер тимнирине паза чир участоктарын мизееліріне позыдылар.

Анзынаң пасха, пүүл алынча хайыг чиит специалисттерге салылар. Республикаа квалификациялыг чиит кадрлар киректелче. Чииттерге чир участогын тикке пирері, тізең, уламох тоғынчатхан орыннаң ырах нимес полза, пос чирінде істенерге көбөктіер.

– Кізілер чох инвестициялар полбинча. Чир чоғыл – туралар чоғыл. Чурт чоғыл – тилістің ойн көзідіглерінің пірсі чох полар – чиит улус. Аннаңар оларны мында тут халарына прай ниме идерге кирек. Орындагы чуртагчы ла постың чирин аарлир, – таныхтаан Хакасияның пазы Виктор Зимин.

Таныхтирға кирек, регион устагчызы пастағнаң сыхханы хоостыра 2017 чыл Хакасияда Чииттер чылы тіп чарлалған.

Хакасия пазының администрациязы

– 2016 чылга Алтай аймааның Хубачар аалында 1262 чир

Олған сады

КҮСТЕНИС ЧОХ ПІЛІС АЛ ПОЛБАССЫҢ

Үс чыл мының алныңда Алтай аймаандагы Көк хайа аалдагы школада школа алныңдагы ікі группа азылған. Аңдар 3 – 7 частыг палалар чөрчелер. Олғаннарны төреен чирине, культураа хынысты воспитатель Надежда Ачисова көніктірче. Улуғ опытыг воспитатель палаларны пос чирине хынарға, агаа поғдархирға үгретче.

– Көк хайа аалдагы школада олған сады группазы тоғынча. Мин анда палаларны Хакасияның пай культуразынаң тирең таныстырчам. Үгредіг тузында палацахтарнаң хада хакас кибірлерінең, чон ойыннарынаң, хакас поэттернің паза писательлернің хоос произведениелерінең танысчабыс. Палалар минің чооғымны хынып исчелер. Анаң истіп алған нимелердеңер хоостапчалар: хакастарның тудынчаң-хабынчаң ниме-ноларын, кип-азаан... Паза хакас хоостарны сырлапчалар.

Город хыринда чуртапчатханда, олған садында тогыс апарарға ниик. Олғаннар іце-пабаларынаң хада музейер, көзідіглерге, хакас концерттеріне пар килчелер, пілістерін пиктеп алчалар. Таныхтирға кирек, іце-паба паланы үгретерге күстензе, ол ідөк күстенчкі, нандырыгыг өсче.

Пістің группада хакас культуразына чарыдылған өнетін пулуңас пар. Анда палалар хакас писательлернің кинделерінең, көг тиріглерінең, Хакасиядаңар хоостарнаң танысчалар. Улам олғаннар чатханаңар пілерге хынчалар.

Чыл сай аалдагы Культура туразында кибелістерні паза чоохтарны өтіг хыгырарынаң чаһаачы марыг иртенче. Иртенч часхызын пістің группадагы олғаннар писательлер Николай Доможаковтың паза Валентина Татарованың кибелістерін хыгырғаннар. Іце-пабалар палаларына хакас кип-азаан өнетін тіккеннер.

Мыннаң мындар группада улуг нимес музей төстеп аларға сағыс пар, анда олғаннар хакас культуразынаң улам алғым танызарлар, – чоохтаан воспитатель.

Оксана ИВАНДАЕВА

Алғыстастар

ХАДА ТОҒЫНЧАТХАН АРҒЫСТАРЫБЫС ҮЧҮН ӨРІНЧЕБІС



Надежда Субракова редакцияда 30 азыра чыл істен парир. Пу тусха редакцияның, Хакасия правительствозының сыйыхтарына пір ле хати турыспаан. Писатель Анатолий Султреков студент тузындох хакас редакциязында тоғынарын пілген. Хайди ол чоохтапча, «Ленин чолы» газетазар ол 2-чі курстаң сығара улуг нимес статьялар пазып пастаан. Пастап олар студенттер чуртазынаңар полғаннар, соонаң, тізең, литература страницазынзар чоохтар даа пазыбысчаң.

– Институт тоозып, диплом алганда, редакциязар тогысха кірібіскем. Мында мин прайзынаң даа таныс полғам, аннаңар ибде ле чили истіг тудынчаңмын, – сағысха кирче Анатолий Егорович.

Ол туста редакцияда улуг опытыг хабарчылар тоғынғаннар. Чиит хабарчаа оларның холларында узын тапирға чахсы оңдай полған. Амды Анатолий Султреков олардаңар чылыг сөстер ле чоохтирға тимде.

– Иң пастап мин Алексей Егорович Толмашовтың холына кіргем. Ідөк мағаа Фадей Яковлевич Иптышев, Пётр Иванович Тодышев, Илья Николаевич Бурнаков, Моисей Романович Баинов, Михаил Николаевич Чебодаев, Каркей Трофимович Нербышев паза даа пасха хабарчыларнаң паза писательлернең хада тоғынарға үлүс түскен. Ол тустаң сығара газетада орыс сөстері хызырылып пастаан, имнег, үгредіг, право хайраллир сөстерні прай хакас тіліне тілбесте-цеңміс, телевидение программазы даа хакас тілінең сыхчаң, – сағысха кирче Хакасия культуразының саблыг тоғынчызы.

Редакциязар наа ла тоғынарға килген хабарчылар, устарын таптап алар үчүн, редакцияның полған на пөлинде тоғынарға кирек полғаннар: экономика, үгредіг, право хайраллир, аал хони паза даа пасхазы. Че, хайди чоохтапча Анатолий Егорович, иң пастап олар пічіктер пөлинде тоғынарға тургызылчаннар. Ол туста пу пөлік иң сидік пөлікке саналчаң. Анда сыдас парыбысхан чиит хабарчы редакцияда тоғын полар тіп саналчаң.

Анатолий Султреков редакцияда 1977 чылдаң тоғынча. Аның тиксі стажы 40 чылга чағын. Ол, 1982 чылда редакцияның 12 № кабинетін ээленіп, андагы стол кистінде ам даа одыр парир. Иди редакцияның пу кабинетінде ле ол 35 чыл істен парир. 1980 чыллардаң ала Анатолий Султреков Хакасия чииттерінің чуртазын чарыдып пастаан. Ол туста

чииттернің аразында спорт марыглары көп иртенч. Иди хабарчы тогыс хоостыра спорт сурыгларын чарыт сыххан. Спорт хабарларын писатель «Хабар» газетада ам даа чарытча. Пу тема агаа иң чағын.

Россияның Писательлер пірігізінің кізізі Анатолий Султреков 22 книга чарыхха сығар салған. Тиктең нимес, неке, книгаларының 7-зі спортха чарыдылған паза 9-зы Хакас чирінің саблыг кізілерінеңер пазылған. Паарсах чүректіг, ачыч-чарых көңіліг, үгреділіг чоохтыг писатель чонда улуг аарласта.

«Хабар» газетаның өмезі арғыстарыбысты алғыстас пічиине турыхханынаң алғыстапча.

Оксана СУНЧУГАШЕВА

СӨС СОО: Писке, «Хабар»

газетаның чиит тоғынчыларына, саблыг писатель, улуг опытыг хабарчыларнаң хада тоғынчатханы поғдархастыг. Редакцияда минің паза Анатолий Султрековтың кабинеттерібіс хости, аннаңар, хончых полып, көп ниме сизінерге килісче. Иди иртеннең Анатолий Султрековтың кабинетінде кізілер пір дее үзілбинче. Редакциязар килген кізі, аңдар кірбин, нанминча полар. Полған на аалчыны улуглап, аарлап, Анатолий Егорович чоох алысча паза үр чоохтасча. Анатолий Султреков тогыс хоостыра пірее чирзер парыбысса, мин, хости кабинетте одырчатхан кізі, аның «хачызы» полчам тиирге чарир. Анатолий Егоровичнең тоғазарға килген кізее мағаа хончыгым тогыс хоостыра парыбысхан, тұрчедең килер тіп чоохтирға килісче. 4 чыл хости кабинетте тоғынып, таңнапчам, Анатолий Султреков материалларын паза книгаларын хақан пазарға маңнанча полчаң!

Ідөк көп чылыг сөстер чоохтирға чарир Надежда Николаевна Субраковадаңар. Тогызына саңай түгеде пирин салған өйрөбіс аарластыг сыйыхха турыстыг кізі.

Имнег киреэ

ТИККЕ ПИРІЛЧЕТКЕН ИМНЕР ЧИДИСЧЕ БЕ?

Хакасияның хазых хайраллачан министрствозында льготача тикке пирілчеткен имнер суриина чарыдылган брифинг ирткен. Хабарчыларның сурыгларына республиканың хазых хайраллачан министрінің полысчызы Михаил Мальгин нандырған. Хайди ол таныхтаан, чуртагыларның министрствозар кірчеткен айланыстарның көбізі имнер тузында пирілбинчеткенінең палгалыстыг.

Пілдістіг, пиреезіне имнерні төремил ізерге килісче, олар, тізең, аарлыга турчалар. Аннаңар аптекаларда льготача пирілчеткен имнер чох полчатханы чуртагыларның тың сагысыратча. Че пүүнги күнге пу сурыг пөглече тіп искірген Михаил Григорьевич.

2017 чылның пастагы чарым чылына льготача пирілер имнерні ирткен чылдох садызып алтырлар. Итсе, 2016 чылның IV кварталында оларны республиказар читіреңең палгалыстыг сидіксіністер полтыр. Че 20 декабрьдаң имнер Хакасияның аптекаларынзар кіріп пастабыстырлар, оларның көбізі 30 декабрьга килтір. Имнерні хазна контракттары хоостыра ам даа ағылчалар теен Михаил Мальгин. Ідөк ол таныхтаан, декабрьда пирілген рецептерче имнер алылбаан полза, ол имнерні январь тоозылганча алып аларга чарир. Имңізер парып, наа рецепт пастыраарга кирек чоғыл.

Хакасияда 2017 чылның 1 январына 58383 льготник саналча, ол санда 47 муң азыра кизи – республика льготниги. Льготача имнерні алчатханнар-

ның 40 азыра проценті – сахар диабетінең, онкологиянаң, бронхалар астмазынаң ағырчатхан кизи. Олар аар ағырыгларның санына кірчелер, пиреезі имнелбинче, ағырыг кизе имнерні төремил ізерге кирек полча. Аннаңар мындаг льготниктерге имнер иң пурун алылча. Тиксі льготача пирілчеткен имнерні аларга поэдылчатхан ачханың 63 проценті оларга хо-радылча.

«Январьның пастагы күн-неріне республика бюджетінең орындагы льготниктерге 31 млн азыра салковайга имнер алылган. Имнерні февральның ортызына теере ағылларлар. Агаа хоза, пістің складтарыбыста имнер чыындызы пар. Сананыстар хоостыра, олар ікі ай артинаң тусха чидерлер. Пілдістіг, мында имнер аймагының прайзы нимес», – таныхтаан министр полысчызы.

Федеральной бюджеттең льготниктерге (11 муң азыра кизи) имнер аларына 35,2 млн салковай поэдылган. Агаа алылган имнер 3 ай чарымга чидерге кирек. Федеральной льготниктерге, республика льготниктер-



інең тиңнестірге, имнер тудыг чох, тузында пирілче. Аннаңар Хакасияның хазых хайраллачан министрствозы чуртагыларзар федеральной льготниктер санынаң сыхпасха тіп айланча. Ідөк Михаил Григорьевич льготниктерге пазылган, че имнер алылбаан рецептерні төремил хайыгда тутчабыс тіп чоохтаан.

Имнег киреенең палгалыстыг сурыгларны, ол санда льготача пирілчеткен имнер хоостыра 8 (3902)305811 «ізіг линия» телефонына сыгырадарга чарир. Ол хараа-күнорте тоғынча. Ідөк, пічкі пазып, mz19.ru порталдагы «Чуртагылар айланыстары» пөлікте Хакасияның хазых хайраллачан министрінің айланыстары алай посха кил парарга чарир. Специалисттер, сурыгларга нандырып, полыс пирерге күстенерлер.

Татьяна КЫШТЫМОВА

Чыл салтарлары: аал хонии

ТААРЫҘАҢ ХЫРАЛАР САНЫ ӨСЧЕ, МАЛЛАР САНЫ ХОЗЫЛЧА

Хакасияда хай пирее сидіксіністер полза даа, аал хониинда пылтыр хомай нимес салтарлар полган.

2015 чылнаң тиңнестірге, ирткен чылда тоңастыглар иң көп Шира аймаанда таарылган – 40,1 муң тонна. Анда гектардаң ортымахти 17,7 центнер тоңастыглар алылган. Орджоникидзе аймаанда 38,9 муң тонна таарылган, гектардаң 18,1 центнер алылган, Пиш аймаанда – 25,7 муң тонна, гектардаң – 16 центнер, Алтай аймаанда – 14,5 муң тонна, гектардаң – 13,7 центнер. Чир тамаа, пылтыр-гызынаң тиңнестірге, 50 % көп чыылган. 2017 чылга үренге 16,3 муң тонна тоңастыглар урылган. План толдыразынаң толдырылган.

Ағбан пилтірі аймааның аал хонии чирінің 130 муң гектарында агрохимия істезіглері иртірілген.

Аал хонии ниме-ноо сыга-рызының 70 % маллар өскіре-ріне килісче. 2016 чылда Хакасияда инек, ат, хой паза өскі саны хозылганы таныхталча. Сүттіг маллар өскіре-рінде Шира, Орджоникидзе паза Алтай аймахтары алнында парчалар, иттіг мал өскіре-рінде – Ағбан пилтірі, Шира паза Пиш аймахтары.

Республикада өскірілчеткен хойларның 32 %-і Асхыс аймаана килісче, 18,5 % – Ағбан пилтірі аймаана, 13,7 % – Шира аймаана.

2012 чылдаң сыгара чахсы төлге тутчаң маллар өскірілчеткен предпрятиелерге улуғ хайыг салчалар. Хакасияның аал хонии паза ас-тамах министрствозы хабазианаң, «Мустанг» паза «Вива Лаб» ООО-лар төлге тутчаң хойларның, өскі-лернің Сибирьдегі паза Ырахы Востоктагы XIII көзидиинде араласханнар. Көзидіг Чита городта ирткен. «Мустанг» ООО-ның эдильбаев породалыг хойлары аймах степенниг аттестаттарга турыхсаннар, предпрятие үзінчү орын алган. «Вива Лаб» ООО-ның романов породалыг хойлары – I степенниг аттестатнаң.

2016 чылда «Целинное» ООО 1100 пас мал өскірчең комплекс пүдіріп пастаан. Пу комплекс тоғынчыларга чахсы тоғынар, малларны өскіре-р оңдайлар пирер паза сыгарылган ас-тамахтың качествозын чахсыландырыбызар.

2009 чылдаң республикада аал хонии ярмарказын иртірері кибірге кір парган. Пылтыр Хакасияда 11 айга 188 аал хонии ярмарказы иртірілген, 2015 чылнаң тиңнестірге, 17,5 % көп.

Аал хонии ас-тамаан сыгарчатхан фермерлернің саны

өсче. Республикада 1000 азыра кресен-фермер хонии саналча. Наа ла тоғынып пастапчатхан паза сөбіре фермаларына, хонихтарын тилдер үчүн, Хакасияның аал хонии паза ас-тамах министрствозы ахчалыг хабазыг пирче. Ирткен чылда наа ла тоғынып пастапчатхан 60 фермерге паза 11 сөбіре фермазына грант 160 млн. салковайга пирілген. Ол санда 140 млн. салковай – федеральной бюджеттең. 2012 чылдаң сыгара хазна хабази 211 кресен-фермер хонии азарына паза 27 кресен-фермер хонии тилдеріне пирілген.

Республикада палых өскі-рері өөнінде көстепче форель өскіре-ріне. Халғанчы чылларда форель көп өскіріл сыххан.

Аалдагы чонның чуртас син өскіре-р үчүн, «2013 – 2020 чылларга Хакас Республиканың агропромышленнай комплексінің паза аалдагы социальной чуртас тилізі» хазна програм-маның «Аалларның пик тилізі» подпрограммазы тоғынып пастаан. 2016 чылда аалдагы 50 сөбіре чурт пүдіреріне алай аларына свидетелство алган (2015 чылда – 41), ол санда 37 чиит сөбіре паза специалист. 2006 чылдаң сыгара хазна хабази аалдагы 800 азыра сөбі-рее пирілген.

Оксана ЧЕЛТЫГМАШЕВА

Пресс-конференция

Хакасияның правительство туразында Россияның Тиріліг күстерінің Өөн штабының өөн мобилизация управлениезінің пастыгы, генерал-полковник Василий Тонкошуров пресс-конференция иртірген. Мероприятие видеоконференция оңдайынаң апарылган.

Альтернативнай службаны имнег тураларында, соци-альной бюджет учреждение-лерінде паза почта служба-зында ирчелер.

Призывниктерні служ-ба ирчең частьтарзар самолеттыг, поездтіг, автомо-бильліг апарганнар. Апарар алнында, оларга военкомат-тарда чаачы кип-азаа, со-товай телефоннарға ікілер сим-карта паза пасха даа кирек ниме-ноолар пирілген.

Крымда паза Севасто-польда төрт хыгыртыг кам-паниязы ирткен. Андагы при-зывниктер чарым олтырх-тың тастынзар ызылбааннар, олох орыннардагы частьтар-да паза Хара талай флорды-

ЧИИТТЕР СЛУЖБА ИРТЕРГЕ КҮСТЕНЧЕЛЕР

Чыылыгда Хакасия пазы-ның орынчызы, республика-ның хыгыртыг комиссиязы-ның кнезі Владимир Крафт, правительстводагы моби-лизация управлениезінің ус-тагычызы Василий Будылин, Хакасияның чаачылар ком-миссариадының хыгыртыг апарчатхан пөлік пастыгы Тарас Грабовой паза ДОСА-АФ-тың региондагы пірігізінің кнезі Александр Профати-лов араласханнар.

Хайди искірген Василий Тонкошуров, пу чыылыг-да Россияның прай регион-нарының устагычылары, чаа округтарының, флоттың пастыхтары араласчалар. Мероприятиее ирткен чылда армия хыгыртыг хайди ирт-кенің салтарлары көрілер. Регионнардагы хыгыртыг ком-миссияларының устагычы-лары сан пиріс тударлар.

Ирткен чылда армия паза флотха 150 муң при-зывник хыгыртар пөгінні Россияның Тиріліг күстері-нің Өөн штабы тургысхан. Ол план прай толдырылган. Анча призывниктің 352 кизи-зі ле альтернативнай служ-ба иртерін таллап алган. Анзы чииттер армияда паза флотта служба иртерге күс-тенчеткенін киречілепче.

ның корабльларында служ-ба ирткеннер. Че пу чылдаң Крым чарым олтырхтыг ооллар Россияның хайдаг даа регионнында служба ир-терлер.

Мының алнында ар-мия хыгыртылганнарның үс проценті ле пөзік үгреділіг полчаң, амды – 15 проценті. Оларга пир чыл хыгыртыг оң-дайынаң служба иртерін алай ікі чыл контрактча тал-лап алар оңдай пирілче. Тирі-ліг күстерде 12 наука ротазы төстелген, анда 649 кизи служ-ба ирче, контрактча служба ирчеткеннерге «лейтенант» ат пирілче. 2017 чылдаң орты-мах профессиональной үгредіг заведениелерінде үгрен-четкеннерге армия парардаң отсрочка пирілер.

Чыылыгда алынча ре-гионнарның хыгыртыг ком-миссияларының устагычы-лары, чаа округтарының паза флоттарның пастыхтары сан пиріс тутханнар.

Пресс-конференция тоо-зылганда, Владимир Крафт искірген: пылтыр Хакасиядаң армия 1427 кизи парган, күс-күдегі кампанияда – 731 кизи. Наука роталарында респу-бликаның ікі кизи служба ирче.

Николай СУЛТРЕКОВ

2017 чыл – Экология чылы

ЧУРТАПЧАТХАН ЧИРІБИСТІ АРЫҒ ТУДАРГА

Пүүл Россияда Экология чылы чарлалган. Республикада агаа чарыдылган аймах акциялар паза чөрімнер иртерлер.

Хакасияның чир-чайаан ис-пайы паза экология мини-стрі Алексей Сиорпастың та-ниинаң, пүүл улуғ хайыг читі-ре тузаланминчатхан хатыг сөп-сапха салылар. Улгүлер Харатаста тастандыларнаң хати тоғынчатхан комплексті төстирге пөгінчелер. Ідөк му-ниципалитеттерде сөп-сап-ты чарчатхан станциялар паза наа полигоннар пүді-рлер. Амды Хакасияда читі-ре тузаланминчатхан хатыг сөп-сап чыылчатхан орын-нарың инвентаризациязы ирче.

Ағастар экология улуғ хозым итчелер, аннаңар 2017

чылда регионда 4 муң гектар-да хорбычхтар одыртылар.

Чир-чайаанны хайралли-рына, кизилернің хайин тар-тып, министерство аймах конференциялар, марыглар тимнепче. Оларның санында «Устүнзархы Сибирьнің паза аның хыриндагы чирлернің экологиязы» чоннар аразын-дагы наука-практикалыг кон-ференция, «Чиңг чазызы» акция, «Чир-чайаан» чоннар аразындагы көклө театрла-рының фестивалы паза ан-наң даа пасхазы. Хакасияда чыл сай «Ким суғың күні» таныхталча. Алексей Сиор-пастың чооғынаң, пайрам тузында хоостар, сомнар марии иртер, ідөк Кимнің чар-лары арыгларлар. Министер-ство республика чуртагы-ларын пу мероприятияелерде өткін аралазарга хыгырча.

Хакасияның чир-чайаан ис-пайы паза экология министрствозы

Кізі паза аның тоғызы

Тележурналист Марина КАНАДАКОВА телевидениде 15 чыл істен парир. Ол Хакасияда кино суураға пастааннарның, «Хакасфильм» киностудияны төстөөннернің пірсі полча.

– **Позыңардаңар чоохтап пириңер, хайдаңзар?**

– Минің пабам – Яков Сергеевич Канадаков, ол – Салғыннар, ічем – Антонида Анатольевна, хыс фамилиязы – Карачакова, Маткиңдең. Ікізің Пии аймаанаңар, че Ағбанда танызып алганнар. Мин мында, Ағбанда, төрөөм, 14 № школаны тоозып, Томсктағы хазна университетинээр, филология факультетинээр «Журналистика» специальностьха үгрөөргө кіріп алгам. Аны тоозып, 5 чыл Алма-Атыда телевидениде тоғынгам. 2006 чылда Ағбанзар айлан килгем. Минің хыс туңмам Нэля пар, ол Хакас технической институтты тоосхан, пүдүрігчи полча.

– **Хақан кино суурып пастаазар?**

– Иди киліс парган. Документальной журналистиканаң айғазарбын тіп пір дее сағынмаам. Чиримээр киліп, аймах-пасха телекомпанияларзар тоғыс суриинаң айлангам. Иң пурун ТВ-7 үндөскөн. Иди мин «Nota Bene» каналда хабарлар пөлиинде тоғын сыххам. Пу тоғыс минің көңніме кірче: полчатхан киректерде аралазарға, оларны чарыдарға, аймах-пасха орынарда поларға, пасха-пасха кізілернең тоғазарға, наа нимелер піліп одыраарға – анзы мини. Нинче-де тус пазынаң аңдар Юрий Курочка тоғынарға килген. Журналистика, уламох тележурналистика – өмөнөң иділчеткен тоғыс, аны пір сағыс-көгістіг кізілер толдырчалар. Тоғысха, киректерге пір көріс төріп килче, тиксі алза – чуртасха.

Пістің пастағы улуғ тоғызыбыс Сойан-Сус ГЭС-тағы саайны чылына чарыдылган полган, «Нымырттыг: пір чыл пазынаң» адалган. Иди мин поэмыны документальной кинода сынаам. Аның соонаң Николай Фёдорович Катановтаңар «Иородөцтің үлүзі» фильм суурғабыс. Ол пістің иң нандырығылыг тоғызыбыс пол парган. Мағаа поэма даа аннаңар тирең арах піліп аларға кирек полган. Аның үчүн Тувазар, Тарстанзар чөр килгөбіс.

– **Ол фильмин суураға сағыс хайди төрөөн? Алай пирөө наа ние ит саларға көңніңер көдірілген ме?**

– Я, көңнім көдіріл килген тіп чоохтирға чарир. Пістің көңнібіс Николай Фёдоровичтің танығылыг чылына киліс парган. 2012 чылда аның 150 чазы толчатхан. Киноны, тізең, 2011 чылда суурғабыс.

Тоғынчазың, тоғынчазың, че хайдаг-да туста сизин сыхчазың – ыхчим пілдірібісче. Күннің сай пір ле ние идеріне кізі түүл парча. Хайдаг-да улуғ нимелер ит саларың килче, анзына, тізең, көп күс паза тус киректелче. 1,5 – 2 минута пирөө кизидеңер алай киректеңер сағыс-көңніңи чидір полбинча. Алғым арах чоохтап пирерің килче.

– **Андаг хысхацах тусха көп ние сыгар полбассың...**

– Аннаңар мин поэмыны аллыг арах жанрда сынап көрөргө чарат салгам, Юра Курочкаа тоғас парғаным маңат хабап кирген. Ол идөк постың киреене тың тартылчатхан кізі.

– **Аннаңар көмес чоохтап пириңер...**

– Ол – телеоператор, Ағбанда чуртапча. Канск хыриндағы аалда төрөөн. Школада үгрөңчеткенде, іче-пабазы Ағбанзар көс килген, амды ол Хакасияны пос чирине санапача.

– **Анзы «Иородөцтің үлүзі» хоостыра даа пілдірче. Аннаң пасха хайдаг фильмнер суурып алғазар?**

– Чыл сай піс пирер фильмнең сы-

ХООС КӨЗІДІГ УЗЫ



Марина КАНАДАКОВА

гарчабыс. Көп сабазында анзы правительство СММ-ларға гранттар киргеніне сылтағылыг. Иди «Чатхан» фильм турғызарға грант утып алғабыс, анда хакастарның пурунғы көг тириинің хайхастыг сарин көзіт пирерге күстенчөбіс.

«Мин – хакасын» фильм саблыг ученай Степан Дмитриевич Майнагашевтеңер. Мының алнында көп ние пілбөөнөмө тың хомзынчам. Школа программасында андаг кізілернің чуртазын үгрөөргө көрілбөөн нооза.

– **Че сірер осхастар чуртассар наа көріснөң көрчелер. Пістің төл, көмес тее полза, хайзы-пірсі киректердеңер паза кізілердеңер пілгөпче. Че олардаңар пілбинчеткен кізі оларзар пасха ондайнаң көрче, наа паалаг пирче. Аннаңар, ол поэмының көрізін искіретсе алай көртисчетсе, оларның тоғыстарын истерге дее, көрөргө дее чапсых.**

– Андаг даа полар. Мин піди санапчам: піс Хакас Республикасы полчатханыбыста, парчан үгрөдіг заведениелеринде чир-суғ үгрөңчөң кружоктар пар поларға кирек, анда пістің саблыг кізілөрібістің чуртас чолын үгрөңзіннер. Пістің тархыныбыс пай, пістің чоохтаңаң паза пілчөң киректерібіс илеөде. Олганнар кікігдөң сыгара тархыныбысты үгрөңзіннер. Андаг үгрөдігнің тузазы полар.

– **Че минің тайым Александр Петрович Шулбаевтеңер хайди піліп алғазар?**

– Мин ол туста «Хакасия» ГТРК-ның «Хабарлар» пөлиинде тоғынчатхам. Анда ікі редакция: хакас паза орыс. Хакас редакциязының тоғынчылары Александр Петровичтеңер піліп алганнар. Ол аал чуртазынаңар чітіг сағызын чидірген. Ікі редакция сыбыра хабарларнаң паза көзідіглернең алысча. Устағыларыбыс андаг кізі паза Тлачах аал пар полганнаңар піліп алганнар. Пісті пирөө хайхас хақан даа поэмынзар тартып алча. 2014 чылда «Хакасия» ГТРК регионнар аразындағы синде кинофестиваль иртірібіскөн. Устағылар Александр Петровичтеңер фильм сыгарарға чарат салганнар. Че пістің аллыг репортаж, орта, тізе, хоос көзідіг пол чөрібіскөн.

– **От чарин, телевидениени кирерге «Хакасия» ГТРК полыс кирген ме?**

– Чох, хакас редакциязындағы хабарчылар, неке. Мин аңдар килгенімде, кирек нимелер прай пар полган.

– **Илбек Ада чаа араласчыларына хумартхы тасты кем турғысхан?**

– Телекомпания устаа Александр Петровичтің сағызын толдыр саларына

полыс пирерге чарат салган. Ол чахсы хабазыг полган. Саяногорсктағы идінчөк Хакасиядағы «Сибирьдегі магистраль сетьтері» предприятияниң устағызы Игорь Черских, кирек материал таап, хумартхы тас тимнеп салган. Аңаң Сибирьдегі МСРК аны Тлачахта турғыс салган. Ирткен чайғының пастағы күннеринде піс аңдар улуғ нимес өмөнөң чөр килгөбіс. Орындағы устаг-пастаг аны сиденнеп салганы, хончыг ааллардағы кізілерде чылыг үндөзіг тапханы пісті өріндірген. Александр Петровичтің хумартхы тасты пасха арах ит салар пөгін полган, ол аны пасхали көргөн. Че, сағынчам, ол піске тарынмас.

– **Чох, кізілер пүүл Шулбаевтер родының тоғазинда хумартхы тасты иткен чаагыларның аттарын чыган, пу чахсы киректі пастаан кізілерге алғыстас сөстерін чоохтааннар.**

– Чаагылар аттарын піс военкоматтаң алғабыс. Александр Петрович өрінген, че анда прайзы нимес тіп таныхтаан.

– **Анзы сын. Иди аңдар кирілбин халганнар минің пабамның, Никита агамның, Алёша ачамның паза даа пасхазының аттары.**

– Хумартхы тасты 2014 чылда Илбек Чиңістің пайрамы алнында турғыс салганнар. Таштып аймааның пазы Василий Иванович Шулбаев андада «Хакасия» ГТРК-ға алғыстас телеграмманын ыс кирген. Позы Александр Петрович мағаа чахсы көзідім полча.

– **Ол ирте өкіс халғанын пілчезер бе? Пис частыгда, аның хыс туңмалары, Надянаң Тая, аннаңох кічіг полганнар. Аның пабазы Пётр Кузьмичті паза минің агам Андрей Даниловичті пір күнде Минсуғзар апарыбысханнар, пір күндөк ат салган поларлар.**

– Я, пілчөм. Ол поэмының аалына хайди тың хынғанын пілібөкчөм. Ағаа анда чуртирға аар полган полар: малларын көрөргө, суғ тазирға, одың пилетирге, чарарға... Чайғызын хайтпазох, че хысхызын...

– **Анзына төөй Сірернің пирөө материал пар ба алай полар ба?**

– Сағам чоғыл. Андаг кізөө тоғазып, аннаңар піліп алзам, идербін. Мин ам даа прай аалларда полбаам нооза. Мағаа айдас кізілерге көп тоғазарға киліскөн, че фильмге кир салчаң кізі урунмаан.

– **Сірернің прай тоғазыларың – алнында. Хайдаг наа тоғыс тимнепчезер?**

– Амды хысхацах лента тимнелче, «Аңчы» адалча. Аның төстее – Иван Мартынович Костяковтың «Харах чох аңчы» чооғы. Ол хайхастыг чоох сын кирек хоостыра пазылган. Аны хоостыра сағыс төріпче – тайға алчаас үчүн хатыг сурча. Пүүл піс аны көрігчелер алнына сыгарарбыс. Оң рольны Хакас драма театрының актеры Максим Султреков толдырча.

– **Паза хайдаг киректер ит саларға пөгінчезер?**

– Иң не өбіні – фильмнер суураары. «Иородөцтің үлүзін» ХГУ-да көзіткөбіс. Студенттер университет көмнің адын ал чөрчеткенін пілзіннер. Пирөөзі «Хакасфильм» погда ла ат полчатханын пілчө, неке. Анда ікі ле кізі – Юрий Курочка паза мин – тоғынчабыс. Піс көңнібіс чатчатхан кирекнең айғасчабыс, тоғызыбысха хынчабыс, хакас культуразын хайраллырында анзы тың кирек тіп санапчабыс. Амгы тустағы кинематографты, уламох регионнарда, оңарарға сидік. Алнынзар парар үчүн, аны тилідерге кирек, кинозкранда піс поларға кирекпіс. Че анзына хазна пользыни киректелче.

Олег ШУЛБАЕВ

Сағыссырас

Пістің чон поэмының өрнізін, хомзынызын харах синеп полбас көк чазылар осхас, көк тайғаның пөзік, сылағай ағастары осхас, ап-арыг хара суғлары осхас көөлбөк тахпахтарына сал саладыр.

Халғанчы чылларда чоныбыстың культура паза наука тоғынчылары, пістің фольклорыбыстың тахпах жанрын ал халарынаңар сағыссырап, аймах тоғыстар апарчалар. Полган на сай Тун пайрамда тахпахчылар мариин иртірлөчө. Ние тиризің? Чахсы, чыылган чон даа хынып исчө. Постың күзін піліңчеткен тахпахчылар айтысха сыхчалар. Пілдістіг, айтысха сыхчалар кирген сөстіг, чітіг сағыстыг тахпахчылар. Айтыста көгнің сілии, сөстің чітии поладыр. Тун пайрамдағы тахпахчылар мариинда улуғлар ла нимес, че олганнар даа араласча.

Андаг тоғыс апарылчатханы чахсы, махтапчам прайзын, кем ол тоғысты итче. Мин пу чахсы киректің паза пір сарин көр көрөргө сағынчам.

Михаил Еремеевич Кильчицаков, изен-хазых полганда, тахпахчыларыны чыып, айтыстар иртірчөң полган. Ол тахпахчылар мариин пасха-пасха

ТАХПАХ – ЧОННЫҢ ИС-ПАЙЫ

аймахтарда иртірчөң. Аңаң ол тахпахчыларның тахпахтарын «Ах тасхыл» альманахта сыгарчаң. Пілдістіг, иң чахсыларына. Амды ол тахпахтарны хыгырып одыраарға чапсых. Хақанох пу чирдең парыбысхан саблыг тахпахчыларның сіліг көөн, чітіг сөзін истіпчеткенге төөйзің. Ирткен чүс чылның алтон чылларында сыххан «Ах тасхыл» альманахтарда Сөмөн Кадышевтің, Апанис Бурнаковтың, Евдокия Тыгдымаеваның, Роман Саламачевтің, Парасковья Сулекованың паза даа пасхаларының тахпахтарын хыгырып аларға чарир. Ние мин таныхтап саларға сағынчам? М.Е.Кильчицаков алында полган тахпахчыларыбыстың сарыннарын наа төлге артыс саларынаңар сағыссыраан полтыр. Аның ырах көрістіг, хыйға сағыстыг полган сизіңлөчө. Айтыстарда, марыларда сарналган тахпахтар – чоныбыстың паалап полбас ис-пайы. Ол ис-пайыны тузында чыырға, наа килген төлге артызарға хайди даа кирек.

Амгы туста, тізең, ноға-да тахпахчыларның мариинда сарналган тахпахтар «Инесай» журналда, олганнарның тахпахтары «Тигр хуры» журналда, сыгарылбинчалар. Тахпахчылар мариин пір ле чыл иртірлөчө, аннаңар, сағынчам, алында чыындынаң даа сыгарыбысчаң тахпах чыыл парган полар. Анзына Чайаачылар туразындағылар хайыг айландырарға киректер.

Алай айтыстарда паза тахпахчылар мариинда сарналчатхан тахпахтарны чыыр тоғыс апарылбинча ба? Сағынганда, пістің Чайаачылар туразы пар, кинделерні олар сыгарчалар. Андаг тоғыс оларға най килістіре. Аңча чохха ла сылтанзабыс, пір дее ние иділбес.

Геннадий КИЧЕЕВ

М.Р.Баиновха 80 час толарчы

«ПАТЕФОН ОЙНАТ ПИР, ПАБАМ!» – сурынчаң саблыг поэт полар оолағас

Моисей Романович Баинов 1937 чылда 17 январьда Хызыл Салда аалда төрөөн. Пабазы Роман Петрович Баинов колхозта тракторист полған. Ол ибде пирее-пирее ле көрүн парчаң. Хысхызын ол Иудинода тракторлар тыхтачаң. Часхыда, чайгыда, күскүде бригадада тоғынчаң.

Пастап пабазы Халхин-Голда японнарнаң чааласхан. Чаадаң айланғанда, пазох тракторга одырыбысхан. Ибзер килзе, оолгычаа, патефон ойнат пир тіп, чархастыг полчаң ағаа.

Пабазы, пир инек садып, патефон алған нооза. Ол туста ол аалда патефон пир-ікі ле кизіде полған полар. Анаң Илбек Ада чаа пасталыбысхан. Пабазы халғанчызын Моисейге патефон ойнат пирген.

По военной дороге

Шел в борьбе и тревоге

Боевой восемнадцатый год...

Моисей пу сарын пазылған пластинканы тыңнирға хынчаң.

Пластинка ойнат пиріп, пабазы машинаа одырыбысхан. Ол сыынаң пабазын паза көрбөөн.

Ічезі Анна Петровна Баинова (Сарлина) иргектіг кизі полған. Ол маймахтар, тоннар, көгенектер, мелейлер, пөріктер тікчең. Аалда анынаң тиң тахпахтазар ипчі дее табылбачаң полтыр. Ол колхоз бригадазында азырал тимнечең. 1945 чылда өкпе ағырии аны азахтаң түзірген. Аның алныңда Моисейнің туңмазы Союнах үреен. Ол пабазынаң хучахта халған полған. 1945 чылда хысхыда ічезі үреен. Ана іди Моисей чалғызан халған. Аны пабазының ічезі Вера Яковлевна (Мона) өскірген.

Ағбандағы хакас школазын тоосхан. Нинче-де чыл пазынаң Москвадағы Литература институтынзар үргенерге кірген. Институтты 1963 чылда тоосхан. Ол сыынаң он азыра кибелістер чыындызын сығар салған. Хакасиядағы книгалар сығарчаң издательствода, «Ленин чолы» газетаның редакциясында, телевидениеде тоғынглаан.

«Көбленістеңер көглер», «Тустарча чорых чөргені» поэмаларын чиит туста пасхан. Олар ниик, хыныг пазылғаннар. Пастағы көбленізі, чиит тузы, хайдаг даа аар полған полза, ағаа иң не аарлыглар.

Иң салымныг, килкім чайаачы тоғыстары – «Таң солбанында тоғазыг» поэма, «Хан Төңіс» алыптыг нымах паза орыс тілінең сыххан «Дорога – вечная тревога» чыындызы – хақан даа пөзік поэзияның көзидімі поларлар.

КӨГЛЕЕН КӨК ТИҢС САРЫННАРЫ ТӨЛЛЕР ЧҮРЕЕНДЕ САҒЫЛҒАЙ

Хайдаг даа чонның артых чайалғаннары пар поладыр. Өөркі чайааннар кизіні пир тиң сағынзыннар, пир син чуртазыннар тіп чайабааннар. Ідөк хоос литературааның илбек чазызында тоғынған аймах поэт-писательлер улуғ ба, кичіг бе іс артыслалар.

Моисей Романович Баиновтың чарых омазы миңиң хараама даа иле көрүнче. «Хакас чирі» газетаның редакциясында хада тоғынғаныбыс паза поэзия сурығларынча чоохтазып одырганыбыс кичее ле полған чили пілдірче. Сынында, тізең, тус илеөде ирт партыр. Пүүл 17 январьда 80 час толарчы Моисей Романовичке. Пүүн мин, саблыг поэттиң адын адап, аның хайдаг кизі, хайдаг көгчи полғанынаңар позым, хай син оңнааным синінче дее полза, кизилерге чоохтап пирерге чараттым.

Мин Моисей Романович Баиновтың чайаачы тоғызында үс өөн нимені таныхтап саларчыпын: хакас поэзиясына силлабо-тонической кибелісті кир салғаны, поэма жанрны пөзік синге көдір салғаны, хакас тілін пайытханы. Пүүн, аның кибелістерін хыгырып, хайхапчалар, морсынчалар. Анзы тиктең нимес. Аның кибелістерінің тирең сағызы, хоостары кизилерні аптапча. Паза кибелістеріндегі ритм чортызы чапсытча. Мының алныңда пасхан паза ам пасчатхан поэттер силлабической (тиң слогтар) кибеліснөң тузаланчалар. Андаг кибелісте ритм чортызын тиң слогтар пирче. Моисей Баинов, «Евгений Онегинні» тілбестеп, А.Пушкиннің ямб ритмінің чортызын сынап көргөн.

Кибеліс чортызын піліп алғанда, пасха поэттиң ритм-адына ноо мүн чөрер тіп, поэзияны чортыр сыххан. Іди ол «Таң

солбанында тоғазыг» поэма (хайзы кибелістіг роман тіпче) чайап салған. Соонаң ямб ритмінең сыбыра тузалан сыххан.

Строкаларда чётнай слогтарга түсчөткен ударение изерізі ямб тіп адалча. Саннар көзітчелер: полған на строкада ударение түсчөткөтпир ікинчі, төртінчі паза сигізіңчі слогтарга. Чоохтирға кирек, Моисей Баиновтың сылтаанда, ямб – хакас поэзиясында иң тарап парған ритм көрүнмөрінің пірсі. Тиктең нимес чонда «Баиннің ямбтары» тіпчелер.

Ритм көрүнмөрінің пірсі – хорей. Ударение түсчө чётнай нимес слогтар изерізіне. Хакас поэзиясында хорейнең пазылған кибелістер көп нимес. Өбінде М.Баиновтың на тілбестеглерінде учурапчалар. Силлабо-тонической кибеліс (слогуударение) тиң слогтарнаң паза ударениенең тузаланғаны полча.

Моисей Баиновтың хакас поэзиясына хозымы уғаа салымныг. Ол, силлабо-тонической кибелісті киріп, хакас поэзиясын ритм саринаң орыс поэзиясына тиңнестір саларға күстенген. Ікинчилес чоғыл, аның кибелістері орыстарның кибелістерінең пир дее халбинча. Аны хакас поэзиясының реформаторы тиирге чарир.

ПОС ТІПІН ПІЛБИН, ХАЙДИ КИБЕЛІСТЕРНИ ОҢАРАРЗЫҢ

Мағаа, «Хакас чирі» газетаның редакциясында тоғынчатханда, пасха-пасха кизилернең чоохтазарға килісчөң. Ол тустарда даа «мин Моисей Баиновтың кибелістерін піл полбинчам» тіпчөткен кизилернең тіл алысчөңмын. Амғы туста, тізең, андагларның саны улам көп пол парды полар, төрөөн тілібісті сала-сула пілчөткеннер уғаа көп нооза. Анзы уғаа хомзыныстыг.

Моисей Баиновтың кибелістерінде хайхастыг көглер, өңнер, чап-чарых көблер, чапсытыг тирең сағыстар. Ол пир ле кибелізінде тиксі тилекейні, пөзік тигірни ибир пар килче. Моисей Романовичтің кибелістерін сағынмин хыгырарға чарабас. Іди хыгырған кизі сыннаң даа пир дее ниме оңар полбас. Мин көні тиирчөкпін – аның поэзиясы сағынчатхан паза пос тілін чахсы пілчөткен кизилерге. Таныс нимес, амғы туста тузаланылбинчатхан сөстөр көп учурапча. Поэттиң кибелістерінде кирек чох, хоол строкалар чоғыл. Оларның полғаны ла көгчинің сағызын, сииттіг көблін хыгырыгчаа читіргере хабасча.

Хайди ундирзың аның кибелістеріндегі хоостарны, метафораларны. Күнөрте «ноған көк тиңістің тиреөнде», хараада «аттар хараа ос чарых чылтыстар», часхыда, тізең, «чап-чарых көк тапсаан саңнары тайга тиреөнде сыңырир», «пазох ах найых түсте нымыртар», «күн чахайааның көбленіс тустары». Көгчинің кибелістеріндегі сырлары хайдаг сिलіглер, чүрек көбрөстіглер. Таң чарып пастааннаң, көстөліп күн сыхханча, алысчатхан чирнің, тигірниң, тагларның, оттарның, хустарның өңнері сусталысчалар кибелістерінде.

Пазох түзер ала хастарым

Көллөрің көгін чарына,

Өңнерер хойыг хамыстарым,

Көк өңнең көлчө чабына.

Хастарның сииттіг табыстары

Көллөр тиреөнде яңылир,

Айланған ағыннаң хустарым,

Көглөзің, наа уйа чазир...

Хақан-да чахсы танызым «ноға Баиннің кибелістеріне пазылған сарыннар чоғыл?» тіп сурған миннең. Ағаа мин чоохтап пиргем, ам пасхазына даа ол чооғымны читир пирим. Пу сурыг хоостыра мин Моисей Баиновнаң чоохтасхам. Чох, аның кибелістері сарынға чарабинчатханаңар нимес. Силлабо-тонической кибелісте пир сөсті дее алыстырарға чарабас. Алыстырыбысса, киліспес сөсті тургызыбысса, кибелістің ритм чортызы сах андох сайбал парар. Пістің композиторларыбыс, тізең, сарын чайапчатсалар, килістір полбин, сөстөрні алыстырыбызарға хынчалар. Моисей Романович оларға пир сөсті дее алыстырарға чаратпаңаң. Іди ол кибелістерінің ритм чортызын хайраллаңаң, аннаңар аның көглеріне пазылған сарыннар чоғыл даа.

Поэттер кизилер чуртазын силиг, чырғаллыг, көгліг ит саларға сағынадырлар. Че хайда полчаң ол чарых, чалахай күннің, ырыстыг чуртас? Чүректерінің изиинөң пу чирні ирідерге, тас чүректерні нымзадарға көгчилер дее күстенчелер. Оларның даа, арыг күстері албин, узах чолда түс халадырлар алай ба, алтон аймах кизилер алнына чалбырап чөріп, саңай кой парадырлар.

Кизее иреемні сыыңдырбинчам,

Пар поэзиям аар-чүк артынчам.

Кирерге сыыга ла хынминчам,

Сағаа, пос чуртас, пазырчам!

Тыным чибекче ле хал парзын,

Чіпче сыным чирде халзын,

Олох ла чарылар тал пазын,

Сахтим хан тигір айазын.

Моисей Романович Баинов хакас поэзиясында поэма жанрын илеөде пөзік көдір салған тиирге кирек. Аның «Чарыхтаңар сарын», «Суғлар ахча тигір төзінээр», «Көбленістеңер көг» паза «Таң солбанында тоғазыг» поэмалары хакас поэзиясының алтын чыындызына кирерлер. Уғаа салымныг, турыстыг, пөзік поэзиялыг тоғыстар. «Хан Төңіс»



Поэт Моисей БАИНОВ

алыптыг нымахты пазып, ол он чыл тоғынтыр. Мында Моисей Романовичтің сөспек-сиспектерні, тахпахтарны, пурунғы нымах поэзиясын уғаа чахсы пілгені, пир сөснөң, хакас тілінің пайын пілгені пілдірче. Тиктең нимес ол, пу ах чарыхтаң парғанча, алыптыг нымахты тоос саларға күстенген. «Хан Төңіс» – ол көзидім, хайди алыптыг нымахты пазарға кирек. Амғы туста алыптыг нымахтар ысчатхан хайчылар, пасчатхан кизилер чоғыл даа, А.В.Курбиджекова ла полар. Моисей Романовичтің тиксі поэзиясына паалағам даа пирілгелек. Мин 12 частыгдох поэзиянаң «ағырыбысхам», кем хайди пасчатханын паалап оңнапчам, пүүн мағаа поэзияда пілдізі чох ниме чоғыл, аннаңар мин Моисей Баиновты Наби Хазринөң, Расул Гамзатовнаң, Давид Кугультиновнаң тиң тургызарчыпын, ол анына турыстыг.

Я, пүүл Моисей Романович Баиновха 80 час толча. Мин аның чир-суғчыларынзар айланарға сағынчам. Саблыг поэдібіске аның төрөөн чирінде, Аршаннар аалында, музей пүдір салалар. Килкім поэт-писательлерібіске музейлер пүдір салардаңар сағызымын Чайаачылар туразының устағчызына читіргем, ол миннең чарасчатхан чили пілдірген. Аршаннар аалының хыринда хара тас аныпчатхан разрез пар, аның устагпастаанзар айланарға чарир, ахчанаң польс пирерлеріне ізенчөм. Чүгүр чөрчөң, хайынчаң өткін кизі ле ползын.

Мағаа улуг харындазым осхас полған поэттиң кизее ачыңчаң, сиргек, хыл осхас көгчи көңні, көк пүктерде көк оттарға түскен арчы чили, аймах өңнернең пызыңнасчатхан кибелістері тустар тузанына, чыллар халынына чабыра пастырбастар, хыйанныг соохтарға тооп парбастар. Пүүн, ах хар осхас арыг көңніліг саблыг поэттиң адын адап, аны сағысха киріп, аны аарлап-улуғлап, кибеліснөң тоосчам чооғымны:

Тус-чахсы, хоорғынның ат полып,

Күмүс туйгаанаң сыңыраай,

Хараа-күнөрте тиңс соолап,

Хайа-чарларга тычыраай.

Түннерде эпос көбөнң сийдін

Көк тиңс түүліс чох хайлаай,

Күннерде бриз таннарның нииги,

Сурнаанда лирика ойнаай.

Иртер ам даа чүзер чыллары,

Улам поэт үні чараай,

Хайхастыг лираның хыллары

Оңмас таң көгінең ойнаай.

Чылларның чыылған чыырбастары

Пу көлбек көлге чазылгай,

Пүктернің чахайах оттары

Көглер сурнаана чарылгай.

Поэттиң пөзік сағыстары

Иртпес сипинөң сағылгай,

Көглеен көк тиңс сарыннары

Төллөр чүреөнде сағылгай.

Геннадий КИЧЕЕВ



Илбек Чиңис

АТЫҒҢЫ ТАТЬЯНА БАРЖЕНАКОВА

Азымахчы фашисттер Чир-суубысха тиреңнең тирең кирчеткеннеринде, хонийбысханың үрүгүстүгү тус пасталыбысхан. Москвадағы комсомолецтерниң пастааны хоостыра, парчан чиит улусха хыйгы тараан: прайзы түзімниң тоғыснаң фронтха полысса, мылтыхтыг оолларыбысха ыырчыны тохтадарга паза чиңис тударга хабазарбыс. Че піске оларнаң хада чаалазарга кирегөк. Чиңис хақан даа поэты килбинче. Пір кізі чили, посха айабин, нинче пар күзібіс салзабыс, фашисттер піске сыдабастар.

Мин чааның икинчи чылында Таштыпта үгреткенем. Хазнабысха сидик туста Ағбандагы педучилищені андар көзірген полғаннар. Паза ла сизинзебіс, группада саңай ла хыстар халтырбыс. Харын даа, Денис Канзычаковнаң Пётр Кулагашевті үдезерге маңнангабыс. Итсе, оларның хайзының даа чаага хабылар частары читкелек полған, че пос көңнінең Ада Чир-суубысты арачылырға парыбысханнар.

Москвадағы комсомолларның хыйгызына үндезіп, ооллар ла нимес, хыстар даа чаага парарға тимнен сыхханнар. Иди піснен хости чуртапчатхан Маша паза Лиза Сычевалар летчикке үгретерге пазын салғаннар. Таныхтирға кирек, чаа тузында Ағбандағы стадионнаң хости пөзік шышка пүдүрлген. Летчикке үгретерге пазын салған чииттер ол шышадан парашюттыг сегирерге көнікчеңнер. Піснен хада үгреткен хыстар Ағбанзар ай сай чөрчөңнер. Чииттерниң иң артыктарын Харатастагы аэроклубсар алып алчаңнар. Лиза Сычева, үс пе ай анда үгреткен соонда, фронтха чағын орынзар парып, сын летчиктернең чағын танызып алған.

Идөк піснен хада үгреткен Тоня Пленкина, педучилищені тоозып, пос көңнінең фронтха парыбысхан. Мария Семёнова, тізең, летчикке үгретип, чаалазарға парбаан даа полза, Харатастагы аэроклубта тоғынған.

Пісті, педучилищедегі хыстарны, хысхызын имчи-санитар поларға үгретчеңнер. Күскүзін колхозтарга яблах хазарға алай одың пилетирге ысчаңнар. Пір хати часхызын тракторлыг чөрерге үгреткенерөк. Ол туста олған садтары чох полған. Аннаңар, үгретчилер чайгы каникулга сых парыбыссалар, школаларзар кічиг палаларны чыып алчаңнар. Оларнаң піс айгасчымыс. Олған садында хайди тоғынардаңар пір дее үгретилгиліг пособиелер чохтаңар, піс палаларны сарнирға ла көніктіріп, күн иртір салчаңмыс.

Өткін хылыхтыг чииттер аразында Татьяна Барженакованы адирға чарир. Ол Пиимаандагы Бейка аалдаң полған. Ол піс чили педучилищеде үгреткен, че сала улуг курста. Хақан ічезі үреп парганда, пабазынаң хада Ағбанзар көс килібістір. Аалда чуртаан хыс кічигдең сығара пабазынаң хада аңнап-хуштап чөрчөң полтыр. Аннаңар чииттерге пос көңнінең чаага парардаңар хыйгы салылганда, постаң хыс сурыныс пічин пазыбыстыр. Пиимаанаң аннаң тиң частыг хыстар пос көңнінең чаага парардаңар сурыныс пічин пасханнар.

Оларға сыныхтагы комиссия иртерге киліскен. Анаң пір ай үгреткенер. Чиит хыстарға мылтыхтаң таңма атарға, чүгүр чөрерге, палыгыг кізілерни чаадаң сығарарға кирек полған. Татьяна, прайзынаң хада үгретип, чохсы көзідмнері үчүн махтатчаң. Аның соонда полғанынаң на алынча чоохтасханнар, хайда тоғынарға сағынчатханынаңар сурастырғаннар.

Прайзынаң пурун фронтха пос көңнінең парардаңар сурыныс пічин пасхан партияның Ағбандагы горкомының инструкторы Николай Шоев. Николай, тузы читкенде, армияда служба иртерге маңнанған. Аннаңар чииттерниң ондай-хылин чохсы пілген. Поэты чили фронтха пос көңнінең парчатхан чир-суғчылары Татьяна Кучендаевадаң, Константин Шурьевтең, Иван Райковтаң, Татьяна Барженаковадаң кем нименең айгазарға хынчатханын прай піліп алған. Татьяна мылтыхнаң айгазарға хынчатханын піліп алып, аны снайперлер группазынар кирерге чаратхан.

– Че сагаа, кирек полза, пасха даа тогыс-чахыг толдыр турарға килізер, – сизиндірген аны Николай Шоев.

1942 чылда күскүзін прай отрядты, чыып алып, Хызылчарзар ызыбысханнар. Хакасиядаң килген чаачыларны атыгычы 78-чи бригадаа киргеннер. Соонаң ол алынча атыгычы бригада полыбысхан. Сибирьде төстелген пасха бригадаларнаң хада чаалазып пастаан.

78-чи алынча атыгычы бригадада снайперлер полғаннар. Оларның санында Татьяна Барженакова паза Николай Шоев чааласханнар. Пу бригаданың маңнаыстыг киректерін командование көп хати таныхтаан. Аның махачы чаачылары хазнабыстың аарлыг сыйыхтарына, орден-медальларына турсыханнар. Ол санда пістің дее чир-суғчыларыбыс аймах сыйыхтар алғаннар.

Татьяна Барженакова, фронттаң изен-хазых айланып, пістің редакцияда писче чыл корректор полып тоғынған. Анаң газетаның дежурнайы полып төрт чыл істенген.

Таныхтирға сағынчам, пу материалны тимнегчеткенде, Степан Ултургашевтің «Сибирская гвардейская» книгазын тузаланарға киліскен (С.П.Ултургашев, «Сибирская гвардейская», Ағбан, Хызылчардагы книга издательствозының Хакасиядагы пөлии, 1975).

Елена АБДИНА

Илбек Ада чаа тузындагы сидик чылларда трактор тінін чалтанмин тутхан пістің чачабыс Евгения Гавриловна Кобежикова. Хакас ады – Эвдей.

ТРАКТОР ТІНІН ТУТХАН ЧАЧАБЫС

Ол тустарда колхозтагы иреннер паза чиит ооллар Чир-суубысты ыырчыдаң арачылырға парыбысханнар. Эвдейниң улуг абазы Ягорга Чиңис күнін удурлырға киліспен. Ол 1942 чылда ыырчы уғынаң чат халған.

Пістің Поскон чачабыс Хызыл аалдагы Гаврил Кобежиковха ирге парған. Олар пис палаа читіре чуртааннар. Соонаң Гаврил сааида үреен. Поскон пис палалыг халған, аның ікі оол, үс хыс полған. Чалгыс ипчее палала-

рын өскірге оой полбаан. Хыстары Нина, Хызынай паза Эвдей полғаннар. Амгы туста Эвдей чаа ла хазых халған.

Евгения Гавриловнаны Хакасияда көп кізі таныпча полар. Аның чиит тузы чаа тузындагы сидик чылларға киліс парған. Иреннер

чаага парыбысханнар. Тракторда тоғынар кізі чох полған. Аннаңар ипчилер тракторға одырганнар. Евгения Гавриловна Кобежикова тынага парганча тракторист полған. Ас өскіріп, тынаг пілбин тоғынған. Ол тиксі Совет Союзина даа сабанған. Пірсінде Москвада иртен чылыгыда КПСС ЦК-зының өөн хачызы Леонид Ильич Брежнев Евгения Гавриловнаның адын аарласнаң адаан.

ХАДА ӨСКЕН ХОРМАЧЫ НАНЧЫМ

Илексей Ипишкинниң ооллары Оолах, Гаврил, Иван паза хызы Вера полғаннар.

Олар, Ызырлар аалдаң көс киліп, пастап Иргі Чоохчылда чуртааннар. Оларның хола трубалыг патефоны ам даа сағызымнаң сыхпинча. Піс Пётр туңмамнаң хада оларзар патефоннаң чоохтар, ырлар истерге удаа айлан турчаңмыс. Мының алнында андаг поэты чоохтанчаң, ырлачаң нима піске тың таңнастыг пілдірген. Соонаң пу сөбіре тайымның туразында чуртаан.

Ічем колхоз инектерін саап тоғынған. Ол туста колхоз «Хакастар», соонаң Молотовтың адынаң адалған. Андар үс аал кірген – Тастар, Чоохчыл паза Ызырлар. Колхозта прай даа маллар пар полған. Саалчатхан на инектерниң саны 300 азыра пас саналған. Мин, Гаврил паза пасха даа палалар иртен-иир ічелерібіске пользарға фермазар чөрчөңміс.

Мының алнында пістің чон час пызаны инезінең чарбачаң. Инектиң имчеги нымзазын тіп, саар алнында, пызаны эмізіп алчаңнар. Инектиң сүді көп полчаң паза ол чохсы саалчаң. Чайгыда піс Гаврилнең колхозтың икинчи чазы бригадазында холнаң от сапчаңмыс, көпен тартчаңмыс. Ол угаа хормачы оолах полған. Агаа андаг талант Худайдаң пирилген. Соонаң, өс парганда, аның хормачызы уламох сыгып пастаан.

Чазыда обед тузында алай иирде, азыранчатса, аның хормачыланчатханын истіп, ипчилер, иреннер, оол-хыстар харах частары сыхханча хатхырчаңнар. Хайдаң ол сағынып алчаң чонны хатхыртар нимелерни?

Гаврил 1921 чылда төреен. 1942 чылда Сарала аалдаң армияа парған. 1943 чылда чаада сағбазы чох чіт парған. Ол пірее хазыр чаалазыгда чат халған полар. Хоных хонарға, чурт тударға даа маңнанмаан.

Николай ТРОШКИН

ИЗВЕЩЕНИЯ

О согласовании размера и местоположения границ земельного участка

Кадастровым инженером Боргояковым Георгием Терентьевичем, № квалификационного аттестата 19-10-1, почтовый адрес и адрес электронной почты: 655017, РХ, г. Абакан, ул. Вяткина, 16, каб. 25, e-mail: bgt.ofis@mail.ru, тел.8(3902)240530, подготовлен проект межевания по выделу земельного участка площадью 26,9 га. Исходным является земельный участок с К№ 19:05:000000:74 в составе земель сельскохозяйственного назначения ЗАО им. Калинина. Заказчиком кадастровых работ является Саражаков Валерий Дмитриевич, почтовый адрес: РХ, Аскизский район, с. Аскиз, ул. Молодежная, д.6, кв.2, тел. 89831976265. С проектом межевания, размером и местоположением выделяемого земельного участка можно ознакомиться лично с 9-00 до 17-00 местного времени по адресу: 655017, РХ, г. Абакан, ул. Вяткина, 16, каб. 25 в течение 30 дней со дня опубликования данного извещения. Обоснованные возражения заинтересованных лиц по проекту межевания, размера и местоположения границ выделяемого земельного участка принимаются по почте или лично по адресу: 655017, РХ, г. Абакан, ул. Вяткина, 16, каб. 25, а также в органе кадастрового учета по адресу: РХ, г. Абакан, ул. Кирова, 100, каб. 119, в течение 30 дней со дня опубликования данного извещения.

Администрацией Новотроицкого сельсовета Бейского района Республики Хакасия принято заявление о предоставлении в аренду земельного участка из земель сельскохозяйственного назначения:

В целях рыбоводства:

От Юрищева Сергея Николаевича, земельный участок, расположенный по адресу: Российская Федерация, Республика Хакасия, Бейского района, в 12,3 км. северо-восточнее с.Без, общей площадью 40000 кв.м.

Если по истечении месяца со дня опубликования настоящего извещения в администрацию Новотроицкого сельсовета (655797, Российская Федерация, Республика Хакасия, Бейский район, с.Новотроицкое, пер.Гаражный, 1) не поступят другие заявления на вышеуказанный земельный участок, администрацией Новотроицкого сельсовета будет принято решение о предоставлении данного земельного участка в аренду.

Со схемой расположения границ земельного участка, можно ознакомиться по адресу: 655797, Российская Федерация, Республика Хакасия, Бейский район, с.Новотроицкое, пер. Гаражный, 1.

Администрацией Большемонокского сельсовета, Бейского района, Республики Хакасия принято заявление о предоставлении в аренду земельного участка из земель сельскохозяйственного назначения для использования в целях:

Ведения животноводства:

Земельный участок, расположенный по адресу: РФ, РХ, Бейский район, примерно 2,5 км. в южном направлении от южной окраины с. Большой Монок, общей площадью 25000 кв.м. от Межовой Надежды Петровны.

Если по истечении месяца со дня опубликования настоящего извещения в администрацию Большемонокского сельсовета (655785, Российская Федерация, Республика Хакасия, Бейский район, с. Большой Монок, ул. Садовая, 20) не поступят другие заявления на вышеуказанные участки, администрацией Большемонокского сельсовета будет принято решение о предоставлении данных земельных участков в аренду.

Граждане, которые заинтересованы в приобретении прав на испрашиваемые земельные участки, могут подать заявления о намерении участвовать в аукционе, в течение месяца с момента опубликования настоящего извещения. Заявление отправить по адресу: Российская Федерация, Республика Хакасия, Бейский район, с. Большой Монок, ул. Садовая, 20.

О согласовании размера и местоположения границ земельного участка

Кадастровым инженером Боргояковым Георгием Терентьевичем, № квалификационного аттестата 19-10-1, почтовый адрес и адрес электронной почты: 655017, РХ, г. Абакан, ул. Вяткина, 16, каб. 25, e-mail: bgt.ofis@mail.ru, тел.8(3902)240530, подготовлен проект межевания по выделу земельного участка площадью 73 га. Исходным является земельный участок с К№ 19:05:000000:72 в составе земель сельскохозяйственного назначения ЗАО «Баланкульское». Заказчиком кадастровых работ является Толмашова Мария Прохоровна, почтовый адрес: РХ, Аскизский район, с. Пуланколь, ул. Мира, 8-1. тел.: 89130561873. С проектом межевания земельного участка можно ознакомиться лично с 9-00 до 17-00 местного времени по адресу: 655017, РХ, г. Абакан, ул. Вяткина, 16, каб. 25 в течение 30 дней со дня опубликования данного извещения. Обоснованные возражения заинтересованных лиц по проекту межевания, размера и местоположения границ выделяемого земельного участка принимаются по почте или лично по адресу: 655017, РХ, г. Абакан, ул. Вяткина, 16, каб. 25, а также в органе кадастрового учета по адресу: РХ, г. Абакан, ул. Кирова, 100, каб. 119, в течение 30 дней со дня опубликования данного извещения.

Продам дом-особняк, 115м² жилая площадь, общая – 200 м², благоустроен, баня 45 м², гараж, хозблок, участок 11 соток, благоустроен, в собственности. Адрес: г.Абакан, ул. Чернышевского, 23 «б».

Тел.: 89083275515.

Культура

Кінчі чылы хакас аалларынзар айда пір хати библиомобиль (алай автобиблиотека) килче. Аның істінде истіг, мында кинделер таллап аларга, Интернет пастыра почтаны сыныхтабызарга чарир. Аалдагы чуртагылар библиомобильні чидікпин сахтапчалар.

Аның тогызынаң устача Светлана Николаевна Лахтякова. Ол чоохтапча: «Библиомобиль Н.Г.Доможаковтың адынаң национальнай библиотеказар 2014 чылда декабрьда «Россияның культура-зы» федеральнай программа хоостыра алылган. Амгы туста ахчанаң сидік, аннаңар аалдагы библиотекаларда чылларнаң кинделер чыындызы наачылапбинча, кизілернің, тізең, аймах чайаачы тогыстардаңар, наа журналлар хыгырар көңілері пар. Пу ағырсымныг сурығны пістің библиомобиль пөгереге полысча».

Автобиблиотеканың чыындызы улуг полтыр. Аңдар 4 муң артинаң наа кинде, 23 газета-журнал, 50 диск кірче. Аалларзар чорыхха сыхчатса, библиотека тоғынчылары библиомобильде 1 муң экземпляр кинде апарчалар. Агаа хоа мында ноутбук паза планшет пар, роутер тоғынча. Интернет ползыиынаң хыгырыгчылар электроннай каталогта кинделер таллапчалар, хазна ползыыгыларынаң тузаланчалар.

«Библиомобильде абонемент паза хыгырчаң зал пар, – узаратча чоогын Светлана Николаевна. – Кинделерні пір айга пирчебіс. Пір хыгырыгчаа – 5 кинде, че нандырыглыг кизілерге 10 даа экземпляр аларга чаратчабыс. Кирек кинделерні хыгырыгчылар піске чахыбысчалар. Мының алнында піс прай чахыгларны тетрадьсар ла пасчаңмыс, амды олар піске хоа sms ызыбысчалар. Чахаан кинделер библиомобильнің чыындызында чох полза, тоғынчылар оларны национальнай библиотеканың пасха пөліктеринөң алып алчалар. Че аңдаг экземплярлар ибзер пирілбинче, оларнаң библиомобильде ле танызарга чарир. Кирек страницаларны ксерокс ползыиынаң хобырып аларга чарадылча».

Амгы туста чуртагыларга аймах сурыгларга чарыдылган кинделер чагын полтыр. Пірсі чиит тустагы романнарны паза повестьтерні хатап хыгырыгызарга сағынча. Кінчізі тура пүдірче, ан-

ХАКАСИЯНЫҢ ААЛЛАРЫНДА ХЫГЫРАРГА ХЫНЧАЛАР



Піці пазы аалның олғаннары библиомобиль істінде кинделер таллапчалар

наңар агаа пүдірдеңер кинделер кирек. Часхы пасталыбысса, аалдагылар үүчк тамаан өскірегіне чарыдылган тогыстар сурапчалар. Ідөк кизілер библиомобильнің тоғынчыларынзар хакас тілінең сыхчан кинделерні сурап айланчаттырлар. Ооңінде хакас кинделері үгретчилерге киректелче, че олаңай чуртагылар оларны сурабохчалар. «Ирткен чайгызын Агбан пилтіріндегі Московскай аалда автобиблиотеказар 9 частыг хакас оолах килген. Ол орыс-хакас сөстігін сураан. Оолағас төреен тілін үгренип аларга пөгінчеттір», – сағысха кирче С.Н.Лахтякова.


Таныхтирға кирек, олғаннар библиомобильнің иң өткін хыгырыгчылары полчалар. Постары кил полбазалар даа, оларга кинделерні іче-пабалары, ага-уучалары ал пирчелер.

Светлана Николаевна таныхтапча: «Хакасияда библиомобиль 2015 чылда

мартта тогынып пастаан. Амды пістің сыбыра хыгырчатхан 600 артинаң кизі саналча. Автобиблиотека чорыхха неделяда ікі-үс хати сыхча. Пір хати пар киліп, піс үс аалда пол килерге маңнанчабыс. Көзідімге, 10 январьда Боград аймаандагы Толча, Тайгалыг паза Боград аалларзар чөргебіс. 12 январьда, тізең, Агбан пилтірі аймаанда тоғынчабыс. Кинделерні Піці пазы, Московскай аалларның паза Пригорск поселоктың чуртагылары алғаннар. Пу неделяда Шира аймаанзар пар килерге пөгінчебіс. Анда кинделерні Тоғыр чул паза Почос аалларда чуртапчатхан хыгырыгчылар сахтапчалар. Ааллардагыларнаң тоғынарга көңіме кірче. Олар кинделерні хынып хыгырчалар паза библиомобильнің тогызын пөзік паалапчалар».

Майя КИЛЬЧИЧАНОВА

ХАЙДАГ КҮН ПОЛАР



Сом Максим АХПАШЕВТИ

АГБАН

Погода в Хакасии – rp5.ru

Вторник – 17 январь	Среда – 18 январь	Четверг – 19 январь	Пятница – 20 январь
ХАРААЗЫН КҮНӨРТЕ -20°...-17° -17°...-20° Пулуттыг, хар	ХАРААЗЫН КҮНӨРТЕ -23°...-22° -19°...-19° Пулуттыг	ХАРААЗЫН КҮНӨРТЕ -22°...-19° -14°...-15° Пулуттыг	ХАРААЗЫН КҮНӨРТЕ -20°...-21° -17°...-16° Пулуттыг, иртен айас

АСХЫС

Вторник – 17 январь	Среда – 18 январь	Четверг – 19 январь	Пятница – 20 январь
ХАРААЗЫН КҮНӨРТЕ -17°...-19° -17°...-18° Пулуттыг, хар	ХАРААЗЫН КҮНӨРТЕ -23°...-25° -17°...-20° Пулуттыг, чил	ХАРААЗЫН КҮНӨРТЕ -20°...-22° -15°...-17° Пулуттыг, чил	ХАРААЗЫН КҮНӨРТЕ -19°...-23° -16°...-20° Пулуттыг

ТАШТЫП

Вторник – 17 январь	Среда – 18 январь	Четверг – 19 январь	Пятница – 20 январь
ХАРААЗЫН КҮНӨРТЕ -12°...-14° -11°...-13° Пулуттыг, хар	ХАРААЗЫН КҮНӨРТЕ -18°...-22° -15°...-17° Пулуттыг	ХАРААЗЫН КҮНӨРТЕ -19°...-22° -15°...-17° Айас, иртен пулуттыг	ХАРААЗЫН КҮНӨРТЕ -19°...-22° -14°...-16° Пулуттыг

ШИРА

Вторник – 17 январь	Среда – 18 январь	Четверг – 19 январь	Пятница – 20 январь
ХАРААЗЫН КҮНӨРТЕ -25°...-25° -21°...-24° Пулуттыг, хар	ХАРААЗЫН КҮНӨРТЕ -26°...-26° -20°...-22° Пулуттыг	ХАРААЗЫН КҮНӨРТЕ -24°...-23° -17°...-21° Пулуттыг	ХАРААЗЫН КҮНӨРТЕ -25°...-26° -18°...-21° Айас

ХАБАР

Известия



Төстөгчилер:
Хакас Республика
Правительствозы,
Өбркі Чөбі
Сыгарыгычы:
ХР АУ «Хабар» газетаның
редакциязы

Өбн редактор
Радиоң Дмитрийевич
СУНЧУГАШЕВ

Телефоншар:

Приемнай	22-22-97
Өбн редактор орынчызы	22-21-47
Секретариат	22-63-69
Бухгалтерия	22-27-49
Үгрөдиг паза наука	22-85-67 34-72-04
Соц. политика	22-85-66 22-62-87
Право хайраллыры	22-23-98
Культура паза спорт	22-85-68 22-61-16
Хабарлар	34-72-07
Экономика	22-85-64

Редакцияның, сыгарыгычының адресі:

655017, Агбан г.,
Щетинкин орамазы, 34,
www.khakaschiry.ru
e-mail: stranahabar@mail.ru

Газета педеляда үс хати сыхча: вторникте, средада, пятницада

Газетаны Хакас Республи- кадагы Россвязьохранкульту- раның управленнезі пічicke 13 августта 2008 чылда кирген.

Пічicke кирген номері ПИ №ТУ 19 - 00005

График хоостыра номер тимге сыгарга кирек 18.00 часта

Номер тимге сыххап 16 январьда 17.30 часта

Номер редакторы
Анатолий Султреков

Газета «Типография «Хакасия» ОАО-да сыгарылган.
655017, Агбан г.,
Щетинкин орамазы, 32
Индекс 52261
Заказ
Тираж 1900
Садылчатхан паазы пос

Газета 1927 чылда 1 июньда төстөлгөн.
1927-1959 чылларда «Хызыл аал» адалган.
1959-1991 чылларда «Ленин чолы» адалган.
1977 чылда «Знак Почета» орденнең сыйыхтатхан.
1991-2008 чылларда «Хакас чирі» адалган.